

浙江文叢

兩浙名賢錄

〔第五冊〕

浙江出版聯合集團
浙江古籍出版社

浙江文叢

兩浙名賢錄

〔第五冊〕

〔明〕徐象梅 撰

浙江出版聯合集團
浙江古籍出版社

兩浙名賢錄卷五十一目次

列女

元二

黃仲起妻朱氏

女妾弟嬪乳母附

王琪妻蔡氏

婢附

王氏女

千涇沈氏

章瑜妻傅氏

俞新妻聞氏

柳烈女

孫信妻黃氏

沈回奴

張滅妻章氏

張英妻莊氏

錢氏二烈女

季銳妻何氏

吳守正妻禹氏

兩浙名賢錄

卷之五十一

目次

一

方仲剛妻吳氏

劉公寬妻侯氏

呂玄明妻朱氏

邱岩妻盛氏

多奴卯奴附

金幼芳妻高氏

程徐妻金氏

周誠德妻陳氏

陳程妻葉氏

明一

童賢母羅氏

賈明善妻宋藝

胡守貞

王志清附

鄭洪妻石氏

黃誼昭妻孫氏

陳氏

汪欽妻周氏

俞氏三節

王和欽妻馬氏

孫宋雙節

吳善慶妻孫氏

唐方妻丁氏

王守中妻劉氏

子中允附

席祥妻吳氏

魏節嬪趙氏

子媳應氏附

郎理妻沙氏

張景忠妻陳氏

陳敏八妻倪氏

許瑜妻季氏

陳思恭妻莊氏

趙淑民妻盧氏

閬州守妻宋氏

蔣倫妻戴氏

徐宗谷妻張氏

鄭翰卿妻徐氏

黃紳妻洪氏

似胡氏姪胡氏附

潘順妻徐氏

李珂妻俞氏

子嬪吳氏附孫陳氏附

胡谷銘妻王氏

夏子昭妻顧氏

兩浙名賢錄

卷之五十一

目次

二

周天寵妻黃氏

方氏二烈女

石孝女

潘仲岳妻程氏

楊彥璋妻魯氏

金良女汝安

童啟妻李氏

袁堅妻方氏

華榮女妙清

孟貞女蘊

胡昂妻汪氏

李志甯妻劉氏

呂嗣芳妻顧氏

宋原用妻石氏

方良規妻章氏

王伯壖妻張氏

章孝女銀兒

徐孝女

譚宏妻沈氏

姚璫妻周氏

王權妻柳氏

包慎妻徐氏

吳曇妻嚴氏

孔淑貞附

虞守中女鳳娘

徐文佩妻鄭氏

范氏二女

徐福壽妻王氏

俞姻奴

葉俊妾何氏

李政妻三女

宋允中妻魏氏

李汀妻呂氏

朱泰妻吳氏

陳曙妻張氏

馮光濟妻劉氏

周廷輝女

周本恭妻趙氏

蔡儼妻包氏

谷得與妻陳氏

翁錄妻鄭氏

兩浙名賢錄

卷之五十一

目次

三

楊孟輝女守貞

諸仕俊妻舒氏

趙孝女

包文助妻張氏

徐傑妻任氏

包謙妻鄭氏

張昱妻彭氏

陳佳妻王氏

吳節婦鄭氏

葉孔賓妻鄭氏

妾何氏附

孫玉妻楊氏

何謙妻吳氏

高逾妻李氏

子嬭曹子妾陸附

兩浙名賢錄卷五十一目次終

兩浙名賢錄卷之五十一

東海徐象梅仲和氏譔

錢塘袁升聞德玄氏閱

列女

元二共二十八人

黃仲起妻朱氏

女妾弟嬭乳母附

朱氏杭州人黃仲起妻至正十六年張士誠寇杭驅諸嬭至令監守期暮且至朱懼辱遂與女俱縊死妾馮氏曰我生何爲亦自縊既而仲起弟嬭蔡抱其幼子與乳母湯皆自殺一門五烈視死如歸賢者以爲難

兩浙名賢錄

卷之五十一

列女

一

王琪妻蔡氏

婢附

王琪妻諸暨蔡氏女至正中張士誠陷諸暨蔡避亂長甯鄉山中賊兵卒至道傍有造紙鑊方沸遂投其中死賊驅其從婢婢曰主母死我可驅乎賊怒殺之

王氏女

王氏女建德人至大間其父出耘舍旁遇豹爲其所噬曳之升山女識父聲驚呼奔救以父所弃鋤奮擊豹腦豹死父乃得生時人比之劉平妻

千涇沈氏

吳興千涇沈氏同里邵氏嬭也至正二十四年夫邵爲

軍士所殺沈有殊色虜置船上溪流迅急乘間躍入水中艁去甚疾意其已沒不復顧適張掾舟過之見鬢如雲被水面視之乃嬪人衣漾水上不能下沈死卽引救之問乃知其姓與其里居易衣置後艦內使守視之其下諭之曰汝遇吾張君幸得不死張掾今貴人汝能事之且更得福勿憂也沈氏謝曰幸諸君見憐欲活我吾見吾夫被創甚吾心已許之恨不及生時使之見也且張君欲我安用失節嬪人哉遂嚙不復言度勢不可出視其旁有竹箸一束夜二鼓卽以箸納口中面力觸舟箸入喉以死明日張爲歛而焚之

兩浙名賢錄

卷之五十一 列女

二

章瑜妻傅氏

傅氏諸暨人年十八適同里章瑜瑜爲苛吏脅軍興期會迫死道上計至傅氏匍伏往抱屍歸號泣三日夜不輟旣入歛至嚙其棺成穴及葬自投其身壙中母强挽之乃已居近百日母欲奪其志傅聞遂大慟不食母屬侍婢謹視之閱數日使婢入室理浴具忽失傅所在明巨汲水則見倒植井中死矣

俞新妻聞氏

聞氏紹興俞新之妻也大德四年新沒聞年尙少父母慮其不能守欲更嫁之聞氏哭曰一身二夫烈嬪所耻

妾可無生可無耻乎且姑老子幼妾去當令誰視也卽斷髮自誓父知其志篤乃不忍强姑久病風且失明聞氏手滌溷穢不怠時漱口上堂舐其目目爲復明及姑卒家貧無資營墓乃日與子親負土葬之朝夕悲號聞者慘惻鄉里嘉其孝爲之語曰欲學孝嬪當問俞氏

柳烈女

柳烈女嘉興人父爲縣吏至正末紅巾賊陷嘉興女時年十八與其父母同竄匿爲賊所得驅以行至河澹紿欲結襪賊不加防遂投水死郡人金綱爲之記

孫信妻黃氏

兩浙名賢錄

卷之五十一 列女

三

黃氏平陽人爲同邑孫信妻至正十四年爲賊所掠以兜子昇之黃氏哭曰吾死耳不從汝往也自墜於地時賊燒民居火甚乃赴火死

沈回奴

沈回奴德清人年十八元末兵亂回奴匿於蘆港中賊獲之求與合回奴從容諭之曰我願爲若妻然我室女必擇日具禮乃可賊信之攜至營責擄嬪守之回奴夜拔所笄銀簪戳其喉以死

張滅妻章氏

張滅妻新昌章氏女名孝行至元二年從姑逃亂產芝

山中爲軍所掠不從遇害姑在藁棘中抱屍慟哭而絕

張英妻莊氏

莊氏名淑貞諸暨張英妻生有艷質父宦游獨與母居至正乙巳張士誠引兵攻新城城陷被執度不可免厲聲大罵曰爾輩鼠賊耳敢肆行無禮執略衣冠子女乎我死卽死奪我終不可得也賊怒挾其口而死宋太史景濂傳其事

錢氏二烈女

俞氏順附

錢氏二烈者嘉興錢子順之二妹也至正末紅巾賊至其家二女義不受辱乃相與結裙裾投河而死賊驚捨

兩浙名賢錄

卷之五十一

列女

四

川吉文

去其後子順妻俞氏亦以守節旌門鄉人稱其家二貞一節云

李銳妻何氏

李銳妻龍泉人姓何氏至正中避兵於邑之城門岩賊至何氏被執欲污之乃與子榮兒女回娘投崖而死

吳守正妻禹氏

禹氏名淑靜崇德人吳守正妻也嘗從容語其夫曰方今盜賊蠭起萬一不測妾惟有死而已宜預爲計及盜陷崇德淑靜抱八歲女倉皇出門賊追及之叱曰不止殺爾淑靜度不免遂抱幼女投水死明日得屍抱女

僵立水中如生藁葬石門鎮人表其墓曰貞母阡徐一夔爲之記

方仲剛妻吳氏

吳氏女名埠蘭谿方仲剛妻遭元季兵亂與其夫避難離家西行一里許聞鼓譟聲足弱弗能步度不可免乃謂夫曰君宜自脫禍勿以妾爲累賢曰子將若何吳曰妾義不受辱惟有死耳夫號泣不得已捨去旣而游兵四集將追及適見道傍有梅塘水潔且深吳喜曰得死所矣遂投入以死越數日兵去夫踪跡其處見屍橫池面雖盛暑而顏貌如生爲之痛哭遂舉葬焉時至正戊戌夏六月也章楓山有烈嬭序童利故有烈嬭傳縉紳士大夫多歌詠之

兩浙名賢錄

卷之五十一

列女

五

川吉文

劉公寬妻侯氏

侯氏永嘉人爲劉公寬妻居南溪稱名家至正戊戌方明善據溫公寬團結里中少年守禦鄉井語諸年少曰方賊昔荼毒吾郡恨不食其肉而寢處其皮今乃挾省鎮撫職名據此溫人從而忍事之獨不媿於心乎誓不與此賊俱生也遂率眾渡江由鎮海至千佛寺徑襲明善卧內殺其吏楊廷憲明善由間道脫去公寬歛兵退保溪山明善連歲攻之弗克無何公寬爲其下金興所

害取其首以獻明善侯氏收斂夫尸結蒲爲首以葬乃撫膺而號曰吾夫以身殉國遂結仇方寇寇至必辱我以雪其憤奈何以貞潔之頸飲賊刃乎不如先死乃自縊二子皆自殺

呂玄明妻朱氏

朱氏永康人歸同邑呂玄明元末羣盜蜂起玄明與東陽陳顯道各舉義兵擊賊有功遂欲乘勝討方國珍時臺官多受賊賂爲之內主乃遣宣差詐召玄明而殺之并害其子堪朱氏聞報卽徒跣號泣走訴於陳顯道曰吾夫破家爲國有功不賞顧蒙顯戮以快仇讐妾嬬人兩浙名賢錄

卷之五十一 列女

六

小

力弱憤不能報君義士也倘念同功之誼出一臂以相助得取仇人而甘心焉則吾夫雖死猶生之年也亦不至冷天下義旅心君其速圖之顯道曰諾卽擊豕醢酒會里中義勇者數十人從朱氏疾追之及宣差於中道遂擒以還朱氏設夫靈焚香難燭生取心以祭當是時義烈之聲震於天下莫不曰夫死於忠子死於孝婦貞於義而能借力報仇使忠孝之心無憾焉求之古人中其孫翊徐夫人之流歟

邱岩妻盛氏 多奴卯奴附

盛氏烏程人嫁邱岩元末兵亂岩挈避於官澤沈家兜

盛時年二十四恐寇至被汚曰兜水清當死於此岩妹多奴卯奴俱年少聞嫂言遽應聲曰願與大嫂一處死未幾寇至盛氏投水死二姑相繼以沒時至正二十四年四月二十八日也

金幼芳妻高氏

高氏名文奴遂安人年二十六平陽金幼芳娶以爲嬬明年生子暉暉生七月而幼芳以病死當是時方明善日事兵爭高襁負暉窺匿山谷間紡績以自給或勸其擇所從高曰我足一踐金氏門知死金氏而已餘尙復何慮乎與其隳節倖生孰若死飢死寒死死兵也植志益兩浙名賢錄

卷之五十一 列女

七

小

堅不爲浮言所惑暉稍長日夜策勵之以詩書底於成立鄉人士無少長咸稱之曰貞嬬太史蘓平仲爲之傳程徐妻金氏

金氏詳定使四明程徐妻也京城旣破謂其女曰汝父出捍城我三品命嬬汝儒家女又進士妻不可受辱抱二歲子及女赴井死

周誠德妻陳氏

平陽陳氏爲同邑周誠德妻至正癸卯方明善寇平陽誠德率義旅禦之戰敗與陳逃於邑之逕口陳氏謂誠德曰吾不能從汝去賊至必汚我自縊而死誠德坎而

靈之復土未畢而賊至被執竟爲明善所殺

陳程妻葉氏

陳程妻葉氏麗水人有美色元末兵逼金華葉與夫奉舅姑携子女避兵於風山未幾處城破兵掠所避地葉度不可免乃遽更新衣其乳母虞氏見之曰當此倉皇更衣何爲葉曰有死耳虞氏驚曰有舅姑與夫及子女在奚忍爲之葉曰吾豈不欲同生以事以育盡嬾之道顧禍在目前祇取辱耳身既被辱何以爲人嫗能爲我扶老携幼雖玉碎亦無恨卽觸崖下死

明一 共九十二人

兩浙名賢錄

卷之五十一 列女

八

川文

童賢母羅氏

童賢母姓羅氏甯海童處士釋卿妻也羅爲縣舊族賢母少喪親姿端厚有識度年十三歸處士時處士之祖母高年而父母皆老賢母事之孝敬雍順治產業習女紅甚得嬾道舅姑喜家政一任之祖母晚病手足痺不能舉洩惡或時汚床褥賢母躬抱持洗滌飲食必執匙箸以進久而不懈祖姑心德其所爲每私祝曰吾苦新嬾無以報願汝有子有嬾咸若汝之孝敬賢母有知能遇女妹及族人親戚皆有恩祖姑及舅姑卒相夫奉喪葬於內外細粗指畫綜理皆有方略條理既而家寢盛

兩浙名賢錄

卷之五十一 列女

九

川文

生四丈夫子長各有才智好學問訓以禮義忠厚尤有母道及處士早世諸子長娶嬾生孫一聽賢母之教遂相與合食不分財異爨作先祠置祭器以奉祖考家庭之間出納有法長幼有倫遇人有惠待賓客有禮於是賢母遠邇皆稱焉初元季無政大家以質結長吏田之租稅俾小民佃者代輸里正因而漁利每畝徵米四升小民以爲病會賢母家爲里正催民租稅命減其半不足甯出已粟以輸鄉閭貧弱賴以不困洪武初甯海及隣縣飢里中富人以麥貸貧者每麥斗責穀二斗三升時賢母家有麥數廩召諸子謂曰飢者眾而吾家幸有餘安忍乘時取倍蓰之息若等毋效他人宜減息一斗以爲鄉率於是諸子奉行之又白於縣請禁多取息以病民者數百里貸麥者利其息少競奔走焉咸歎息以爲童母恩母好施子孤弱不能自存者給以錢粟不責其償人或告飢推食以予之遇人有急度其事可解命諸子爲解之後或背負絕不與較至不義人戒莫近事有不可者戒勿爲其揣料世事明遠甚雖丈夫有弗逮也家人搶逾千婢僕指稱之人人察其飢飽苦樂與其才性所宜無有怨者年八十餘子嬾及諸孫嬾男女數十人曾孫七八人奉養祇順不敢違果若祖姑所祝名

人士往來者皆致拜稱賢母云

賈明善妻宋藝

宋氏名藝潛溪人景濂之女弟也美姿容幼即讀書知大義既長歸烏傷賈明善踰年父母召藝令與婿偕來同居孝養益謹見諸女讀古烈女事則慨然想其爲人嘗謂諸女曰是亦不難爲媚者當璧碎而潔無甯瓦全而穢也既而西兵搗蘭谿遠近大震宋不自安同夫避入浦陽城寶山中未幾鄉民嘯聚作亂執劒殺人如刈草菅宋亾入榛莽中爲游卒所執求解不聽將亂之宋以計給曰吾有珠貝可直數千緡昨夕瘞山前坎中爾兩浙名賢錄

卷之五十一 列女

十

胡守貞

王志清附

胡守貞錢塘胡宗信之姊也守貞因父母長弟相繼物故而宗信年幼未立私念嫁蚤晚無加損誠能輔弟樹立晚嫁無所恨遂經紀其家及宗信長娶媚王氏名志清甫五年而宗信歿王氏時年二十四生子貢暨一女守貞痛曰我終不可以嫁矣於是與志清相向哭誓死守存胡氏血食卧起相依守貞待志清如姊妹然志清則終身以事姑者事守貞貧無以爲生每日開門鬻書

得錢粗足供薪米鹽醯醢闔門治女事寒機雙杼一燈欲滅坐至夜分如此者十九年畧無間言守貞年六十洪武甲子卒志清率貢行三年喪

鄭洪妻石氏

石氏名勝金華人性敏慧勤恪嫁爲浦江義門鄭洪妻李文忠分鎮嚴陵辟洪參謀軍事後以薦爲內藏庫提點未幾同官有坐法者辭連洪竟死於獄石氏時從宦邸吏議當配石氏仰天慟曰生爲鄭氏嬪死則爲鄭氏鬼耳吾夫已亾吾豈忍汚其身以玷旌門乎遂絕粒不食隣媼強以粥糜不聽如是者八日求死勿得乃引繩

兩浙名賢錄

卷之五十一 列女

十一

自絕公卿朝士莫不稱烈高皇帝聞而嘉嘆曰嗟乎此眞義門嬪矣宋濂爲之傳曰余居金華熟聞鄭氏孝義之著禮法之盛今觀石氏操行皎如白日可謂難能者矣雖其染濡家訓亦天性然也稱爲烈嬪不亦宜哉庸表而出之以勵世風云

黃誼昭妻孫氏

孫氏慈谿人年十八歸定海黃誼昭生子湑三載而夫亾孫以死自誓延師教子長求兄女爲配甫三年生二子湑亦故適國初糧餉至重乃嬪姑相率携子與僕輸賦南京訴尙書蹇義言海潮爲患十年九荒乞築海塘

以障居民寔詰曰如此孤苦何爲不嫁對曰餓死事極小失節事極大寔媿俯首者人之次日遂爲奏請差薛主事董其役起自龍山迄於觀海築塘凡百餘里永免潮患鄉人感其義立祠祀之

陳氏

陳氏錢塘人禮部主事陳鏞女弟許聘禮部員外郎孫迪未成婚而迪亡樞還女告其父母哀麻至迪家見舅姑臨柩伏哭盡哀還服三年喪終身不嫁壽踰七十卒於家葬父母兆域之次

汪欽妻周氏

兩浙名賢錄

卷之五十一 列女

五

周氏女山陰人年十九適蕭山汪欽欽兄弟五人皆夭歿獨父湛及母在夜有劫盜湛起禦之遇害盜盡掠其貲去周號泣曰貲不足惜何乃刃吾舅誓不與賊俱生挺身訴於官不獲則走奏京師衣不解帶者三年竟獲其盜二十人斬於市

俞氏三節

童氏諸暨之楓橋人年十九歸俞肅未一年而肅病革呼童曰我死汝年少當更適童泣曰妾豈事二姓者耶剪髮爲誓肅弟滋娶趙氏滋死趙年二十七潤娶金氏潤死年二十九有感於童率勵志同守居側生竹一

本分爲二幹本幹皆疊生三節人以爲瑞上其事詔旌其門曰三節

王和欽妻陳氏

子德中附

王和欽妻陳氏永康人年二十九而和欽亡遺孤僅歲餘苦志守節勤以自給孤名德中性篤孝嘗因母病顛天乞以身代母果獲痊一日東隣失火將延及德中向火稽首火遂西轉人皆謂王氏母子節孝所感云

朱偉妻馬氏

朱偉妻山陰馬氏女名德眞家病疫舅與夫偕亡姑張亦病篤德眞艱難事姑姑愈母家欲奪其志斷指爲誓

兩浙名賢錄

卷之五十一 列女

五

姑歿撫膺大慟翌日死

孫宋雙節

孫氏宋氏皆慈谿人孫歸沈銘善年二十九而夫亡生子甫八月宋歸沈銘禮年二十而夫亡生二子皆在襁褓人以宋氏年尤少諷之更適宋氏歎曰天降割吾姊姊似守義不貳吾忍弃去邪自誓凜如歲時歸甯母氏憫而諷之不聽曰迫之果急惟以江水爲徑見吾夫地下耳姊似日勤紡績澹泊清慎至白首猶一日洪武十六年事聞詔旌其門曰雙節

吳善慶妻孫氏

孫氏名妙吉山陰人適吳善慶善慶死孫尙艾無子持節不易叔祖小觀納隣邑人幣將奪嫁之孫聞乃紿曰幸得作小佛事爲亡夫福小觀如其言孫沐浴更衣禮佛少間走縊夫墓木而死小觀怒殘其尸覆於淺土中聞者爲之雪涕然其家甚微不能聞諸有司爲可悲云

唐方妻丁氏

丁氏名錦奴新昌人生有異相頂蟠七螺涉獵書史歸唐方洪武中方爲山東僉事坐法死妻子當沒爲官奴部使者按籍其家押卒祝中順欲挑之借其髻梳掠髮丁卽以梳擲地其人取掠之持還丁丁罵不受竊謂家兩浙名賢錄

卷之五十一 列女

古

人曰此輩無禮必途辱我不若預死之以全節也卽日肩輿上道行山徑未半里至陰澤崖峭水深四無援路丁忽從輿躍出赴水衣厚不能沈復從容以手斂裙隨流而沒押卒數輩驚救至則死矣時年二十八至今稱其處曰夫人潭

王守中妻劉氏

子仲允附

王守中妻劉氏字至貞永嘉人七歲從兄讀孝經知大義適王氏克事舅姑守中性至孝先是父病亟默禱於天乞減已壽一紀以益父筭其後父果延十二載人多異之已而守中病卒時劉年二十九子在襁褓自居舅

喪輒不苟葷血御華靡及夫亡愈甘清苦至白自如一日洪武初詔旌其門子仲允性尤孝痛父母葬地不佳遂終身蔬食

席祥妻吳氏

吳氏錢塘人爲山陰席祥妻祥先以避兵挈家來錢塘兵退還家山陰而祥留錢塘娶吳氏生子未晬而祥歿吳年纔二十有六自歎曰吾席嬪也義不當留父母家乃奉祥靈櫬絕濤江而東葬於先塋之次從妯娌事舅姑撫遺嬰姑患瘍痛甚醫曰此爲膿所苦耳孰能吮之吳氏吮之無難色姑瘍遂愈親戚鄉黨咸稱爲節孝娘兩浙名賢錄

卷之五十一 列女

五

子史臣徐一夔爲之傳

魏節嬪趙氏

子媳應氏附

魏節嬪趙氏名第台之甯海人父國真故邑大家延儒傅之能爲春秋學者教其子仲武與浦江魏氏子順之同受春秋穎悟精勤嘗與仲武較藝大爲國真所激賞順之祖悌元時以貲雄於鄉爲里主常儲錢百錠爲官費缺復補足其數一錢不取諸民民德之呼爲魏百錠父恩能周人之急寒者與衣飢者與食死而不能葬者與棺槨國真聞之歎曰求福無如積善修身無如好學吾無間然矣遂以女歸順之生二女而順之卒嬪年僅

二十四卽以猶子校爲嗣誓不他適其兄仲武憐之潛受同邑婁氏聘議欲強迎之歸奪其志節嬭聞之謂曰將嫁而女弟乎吾生爲魏氏嬭死爲魏氏鬼耳吾弗歸也堅不爲動其兄不能奪校甫七歲晨昏教養至於成立爲娶同邑應氏生男女各二人而校亦早世應氏時年二十九上奉孀姑下撫諸子兢業惕勵無毫髮增損於前人男娶女嫁各適其宜人皆以爲善繼志稱大小節嬭云校字師學應氏字小其二子曰江曰海

黃性祖母劉氏

劉氏名文淑松陽人教諭黃應發妻也無子聘姊生子兩浙名賢錄

卷之五十一 列女

夫

文淑

通通生五月而母亡劉鞠育如已生至二十而應發卒時劉年三十有六矣舅年耄私念通非劉產恐劉有他志憂見於色劉揣知其情以死自誓又三年舅歿劉葬舅與夫封樹皆盡禮日夜攻繇泉資通就學一日通墮子性前此應發以通幼弱先養姊子劉中孫爲嗣中孫以通旦暮死不意屠之生男性也乃露刃入卧狀之劉奮當其鋒性得不死訟抵中孫於法通狂疾死孤居哺孫至長使就學成名一日病革呼性語之曰我爲汝家嬭不幸二世短命保汝於橫逆艱棘中今幸見汝成立

復有子嗣吾可以下見汝祖矣言畢而逝壽七十有九耶理妻沙氏

沙氏主事耶理妻安吉人也洪武中從夫官京師理以直諫死沙聞之哭曰夫爲忠臣妾獨不能爲烈嬭乎遂自經死事聞命爲大棺合歛賜諭祭馳驛歸葬

張景忠妻陳氏

陳氏字文婉錢塘張景忠之妻歸而克盡孝敬於舅姑生一子孩抱而景忠卒甫服除有諷其改適者唾去之携其孩抱孤日泣舅姑前舅姑亦泣下乃相抱持其孫慰撫之曰所不餒吾祀者無他望此之成唯母之依彼兩浙名賢錄

卷之五十一 列女

七

文淑

犬豕者之言奚足爲賢媳嬭辱又相泣慰撫而後已舅姑沒喪葬貧儉而稱禮姻族黨每以漢陳孝嬭比之太史氏王洪爲之傳

陳敏八妻倪氏

倪氏女安吉人年十四許聘陳敏八陳未娶從征踰五十年歸乃成婚人號白頭花燭

許瑜妻季氏

季氏名添甯海人歸同邑許瑜瑜爲盜所害季抱幼兒從舅氏董仲載走慈溪悲號摧毀或累日乃一食仲載欲更嫁之季微知其意泣曰吾甯抱兒還許氏使盜殺

我不能事異姓也仲載不敢復言後三年盜敗伏法季始歸治田廬資其孤從學爲名士年七十卒學士宋景濂爲之傳

陳思恭妻莊氏

莊氏海鹽陳思恭妻莊本泉南人思恭自海鹽客泉南贅焉思恭嘗客於海三年不歸人以思恭死矣諷之嫁斥絕之又二年而思恭歸未幾復去竟死於海諷者復來曰今固可嫁矣莊絕之愈甚時年二十五乃自泉攜其孤彥廉扶思恭柩歸葬海鹽撫彥廉成立莊以高壽終高季迪作詩美之

兩浙名賢錄

卷之五十一 列女

七

趙叔民妻盧氏

盧氏名津奴黃巖趙叔民妻有婦容涉略書史洪武十九年叔民被誣以黨卒於京明年籍其家盧聞官軍至邑卽欲與子俱飲藥旣而泣曰汝年方七歲萬一得生未可知我甯就死義不受辱遂題詩壁上飲藥而死官軍入門見壁間詩莫不嘉歎爲具棺斂而瘞之

閩州守妻宋氏

宋氏金華宋學士景濂族女也爲西安閩州守妻守失其名洪武初坐府推累死宋以夫罪連坐遣戍雲南金齒衛奉姑偕行題長歌於郵亭壁間觀風使者採以上

兩浙名賢錄

卷之五十一 列女

七

文稿守廉不使纖塵污執法應教僚佐怒府推獲罪苦相攀察院來提誰與訴臨行囊橐無錙銖惟有舊日將去書牽衣父老泣相送遮留赤子爭號呼彼時徵贓動盈萬妾夫自料無從辦竟晨拷掠不成招暗囑家人莫送飯無何餓死囹圄中旗軍原籍來鈔封當時只望耀門戶豈期一旦翻成空親隣憐妾貧如洗歛鈔殷勤贈行李零丁三口到京師奉旨邊方戍金齒阿弟遠餞龍江邊臨岐抱頭哭向天姐南弟北兩相慟別來再會知何年開船未幾子病倒求醫問卜皆難保武昌城外野坡前白骨誰憐葬青草眼前有子相親傍身安且不憂

家蕩而今子死姑年高縱到雲南有何望八月官船渡
常德促裝登程戒行色空林日暮鴈鴝啼聲聲叫道行
不得上山險如登天梯百戶發放來取齊雨晴泥滑把
姑手一步一跌身沾泥晚來走向營中宿情思昏昏倦
無力五更睡重起身遲飯鍋未熟旗頭逼翻思昔日閨
門內遠行不出中堂右融融日影上闌杆花落庭前鳥
聲碎寶髻斜簪金鳳翹翠雲蟬鬢蛾眉嬌繡牀新刺雙
蝴蝶坐久尙覺春風饒誰云今日夫亡後萬里遐荒要
親走半途日午姑云飢欲丐奉姑羞舉口同來一頓天
台人情懷薄若秋空雲喪夫未經數十日畫眉重嫁鹽

兩浙名賢錄

卷之五十一

列女

子

X

商君血色紅裙繡羅襖騎驢遠涉長安道穩步不知行
路難揚鞭笑指青山小古來節義難重陳抉目截耳肝
膽真嗟哉風俗日頽敗綱常廢盡趁黃金妾心汪汪澹
如水甯受飢寒不受恥幾回欲葬江魚腹姑存未敢先
求死孝思須體夫存念當學慈烏與終養姑亡妾亦隨
姑亡地下何慙見夫面說到傷心淚如雨哽咽低頭不
能語道傍聞者總悽酸隔嶺哀猿叫何許

蔣倫妻戴氏

蔣倫妻山陰戴氏女名毓齡早寡有節行既老鄉人欲
上其事輒止之曰常事耳何煩官府

徐宗谷妻張氏

張氏名璩奴黃巖人少聰慧適徐宗谷未幾宗谷爲仇
人所害張嬭姑匿巖穴中間道達姻家泣謂姑曰嬭不
卽死者以夫仇未報遺娠未分耳旣而生女幸妾生男
張撫字之如已出明年掖姑理仇於官抵之法始還家
招夫魂而葬之焚香誓天守死不二年五十四卒

鄭翰卿妻徐氏

鄭翰卿妻山陰徐氏女翰卿出游山西十年不返徐獨
奉舅姑竭盡心力家貧而滯澹不乏姑疾劇顛天請代
疾遂愈後翰卿歸旬日病卒徐營歛畢歎曰向不卽死
兩浙名賢錄

卷之五十一

列女

子

X

以夫在耳今夫死矣何以生爲絕粒七日而卒

黃紳妻洪氏

似胡氏姪嬭吳氏附

黃紳妻洪氏淳安人年十七歸紳甫一年而紳歿止一
女一日歸甯父兄欲奪其志逼之更嫁洪遂抱女觸寒
冰涉河以歸誓無他志獨立以奉黃氏祀年九十卒似
胡氏姪嬭吳氏皆幼年孀居悉化之守節未嘗變人稱
爲黃氏三貞

潘順妻徐氏

徐氏烏程人年十六歸同邑潘順未幾順死徐引刀斷
指誓不嫁及卒取指以殉而所染鳳仙花色殷紅猶在

李珂妻俞氏 子嬪吳氏孫嬪陳氏附

李珂妻俞氏永康人年二十五居孀守節子祿嬪吳氏年二十九夫亡子死誓繼姑志孫齊娶陳氏年十九亦寡因自誓曰守節女嬪常事況李氏世德有自乎台州王一甯題其堂曰一門三節嬪四世九賢孫

胡谷銘妻王氏

王氏名潤玉鄞人年十九歸胡谷銘質性婉娩生二子皆幼夫染瘵疾延及一門死亡略盡潤玉時年二十餘抱遺孤獨處一室人共危之母家以其盛年無依力勸之歸且曰是家不祥而欲相從爲鬼邪盍改圖焉潤玉兩浙名賢錄

卷之五十一 列女 三

泣曰夫宗祀幸有子使吾一出是門置胡氏神主何地乎吾未亡人禍福固非所計自誓以死勤苦紡績撫養二子底於成立壽七十二而終

夏子昭妻顧氏

顧氏崇德夏子昭妻顧歸夏六年年二十七子昭死遺孤在襁褓舅有愛子致養諭顧使自爲計顧涕泣以謝願奉終身後與愛子又相繼死顧竭力營葬中更亂離卒無玷污以全節終

周天寵妻黃氏

黃氏名玉瑩西安人許聘儒生周天寵未嫁而天寵病

瘵將危黃知必不起堅求侍疾父母不能強命之往天寵適一睹黃目遂瞋黃時年十九慟哭盡哀歛夫絞衾之屬皆經手製送葬途有高壑將投之賴侍婢夾持而免自是每袖一繩以誓必死悉散衾具衣飾於妯娌姊妹惟圖天寵像朝夕哭奠如初喪事舅姑以禮舅姑感其義亦視之如親女數年鬱鬱成疾嘔血死年二十六

方氏二烈女 方孝友附

方氏二烈女者正學先生之二女也正學死難時夫人鄭氏先自經二女未及笄被逮過淮相與投橋下水中死先是正學被召草詔不屈親屬皆面縛就戮正學之兩浙名賢錄

卷之五十一 列女 三

季弟後至正學目之不覺淚下季弟口吟一絕云阿兄何必淚潛潛取義成仁在此間華表柱頭千載後旅魂依舊到家山士論壯之以爲不媿正學之弟至二女子之死未有知者余故表而出之以見正學篤信守道不貳厥心而死難精誠薰漬家庭閭閻間雖二小女子臨難赴義視死如歸不獨與正學伯仲之死同時爭烈而已卽謂爭光於千古之日月亦可也季弟名孝友字希賢二女逸其名第稱之曰方氏二烈女嗚呼烈哉

石孝女

石孝女新昌人父潛宋編修石斗文七世孫女也洪武

末坐事籍沒繫京獄妻吳氏以漏版獲免依父家以居時孝女在襁褓中一日潛脫桎梏逃歸匿吳家吳兄弟懼連坐遂殺潛投大窖中泯其尸吳含悽鞠女女既長問母曰我無父族何也母告之故女悲憤莫能伸永樂初女年十六名閻競聘而舅氏主其婚以配族子吳某女白母曰殺我父者吳也父之讐弗與其戴天奈何又爲吳氏嬖忍事其家廟邪母曰我不幸失所天事不我從奈何女頷而不答及星期已屆治裝于歸吳族咸喜得嬖方禮賓未畢女竟經死室中眾皆驚愕詰其母母仰天大哭曰吾女之死爲父報仇也號慟數日亦死有兩浙名賢錄

卷之五十一 列女

五

一〇一

司聞之爲治殺潛者之罪

潘仲岳妻程氏

程氏潘仲岳妻衢州人永樂間仲岳戍遼東程氏送之行解成者悅其色戲調之程怒解戍者遂以軍政挾與偕行法不能阻仲岳與程計恐在途遭辱程曰妾自爲計君勿憂也給以整裝故還家卽自經死鄉人義而傷之執筆作哀詠者數百人

楊彥璋妻魯氏

魯氏名淑清海鹽楊彥璋妻淑清世居海鹽其父彥中徙餘杭而嫁其女於故里楊氏永樂丙申夏倭夷犯海

鹽武原鄉擄掠男女淑清亦在擄中度不能脫置兒於路傍泣曰天不絕我後幸活我兒潮至遂躍入海以死時年二十一

金良女汝安

金良女鄞人名汝安父母多疾汝安侍養惟謹及笄里中大家爭求聘汝安自謂父母老且病雖有兄弟驅馳門戶事朝夕乏供養奈何舍去自是絕葷茹每夜焚香告天禱二親壽後父母俱八十餘而歿汝安居喪六年遂終身不嫁太史危素爲之贊

童散妻李氏

兩浙名賢錄

卷之五十一 列女

五

一〇二

童散妻李氏名榮壽昌人年二十四而寡舅爲夫營葬所李求結壙於旁父彥真欲奪其志私許同里蔣武逼而嫁之李知勢不可遏囑舅姑以後事且曰妾死於此父必構訟歸死於家則無害矣泣拜而別復至夫墓慟哭而歸詭謂其母曰兒失釵母可往卜家有一妹又令尾其後而促之遂入室自縊母歸已死矣父大怒欲燔其屍適舅姑送衣衾及棺至就斂則釵縛於左股間遂收葬於向所築生壙中時會葬者數百人莫不爲之揮淚者

袁堅妻方氏

方氏金華人軍士袁堅之妻堅以酒喪家卒殯於城北濠上方貧無依乃卽殯所開棺寢處其中飢則出飲於濠久之不復出竟死棺中郡守劉公蒞封土爲墓而禮祭之

華榮女妙清

華氏名妙清杭州右衛前所副千戶榮之女也早歲喪母躬浴其尸取水注器中哭則出而飲之茹素十餘年坐卧儼思恒若有見初榮代伯氏戍彭城永樂間累征討功拜前官臨歿語女曰吾起戰陣出萬死得一生荷國靈寵位爲千夫長期世世及也今中道死子震幼且兩浙名賢錄

卷之五十一 列女

五

川文

弱族人利吾官者行且將不利於震汝以女子從一少後母其若之何語未既女卽哭應曰吾雖孑然孱也請得事我母長我弟令嗣我父助終不從婚媾去遺父憂矣榮卒女遂一意奉母保護震備至媒妁來者輒峻拒之後有伯之子麟果欲奪震官令人百計誘女嫁女剪髮碎面以示已志旦則爲震祈祐於天晝則勤女紅至夜分不寐以給衣食竟育震成襲官且教以忠孝自樹終身果不嫁其母王氏宏治間以守節受旌女獨不及餘杭鄒宗伯幹爲著孝烈傳以風於世

孟貞女蘊

孟貞女名蘊諸暨縣民女初許嫁縣學生蔣文勗未成嫁文勗充貢入監爲御史病卒蘊年纔二十聞喪號慟歸蔣氏執喪三年養其舅姑盡孝終身不嫁人稱貞女胡昂妻汪氏

胡昂妻汪氏

胡昂妻汪氏蘭溪人嫁未幾而昂亡家赤貧誓不更適昂弟昉貪鄙時加逼挾不聽乃私受人財物許嫁之及輿夫舁輜至汪氏心覺焉顧已無奈何乃更施粉澤易服繆爲願嫁狀眾方喜飲不顧因從便門趁出溺萬安橋下家人索之不得踪跡至橋畔沙磧中見雙履宛然入水求之屍已僵矣

兩浙名賢錄

卷之五十一 列女

五

川文

李志甯妻劉氏

劉氏名添壽昌人歸李志甯五年而寡以死自誓父母以其無子欲奪而嫁之劉號哭哀訴又託父母之親厚者勸之終莫能止遂爲必死計製長幡繪夫及已像於上置諸篋中泣別舅姑而歸父母甚喜亟召媒妁議親舉家出迎而劉已投舍旁池中死矣舅姑逆其喪啟夫穴合葬焉

呂嗣芳妻顧氏

顧氏名妙善嘉興呂嗣芳妻芳與伯子本相繼歿於官仲子原甫八歲顧携孤還鄉貧甚筑筑苦守課子讀書